

Mij uuccâp arâšoddâdem sierânâsmáttáátteijee fastâ tooimân 3.8.2026 rääjist.

Mij uuccâp arâšoddâdem sierânâsmáttáátteijee, kiän toimâsuárgán kuleh Aanaar markkân, kieldâ taveuási já sâmi kielâliih ohtâduvah. Pargo taantovvááš soijimsaje lii Aanaar peivikiäčču já paargon kulá pargojuávhust porgâmnáál sierânâsmáttáátteijee pargo s. 50 % pargoääigist. Aanaar kieldâ sierânâsmáttáátteijei válđuášálâš porgâmsaje, pargoost tiäduttum ääših já juávhuh vuávájuvvojeh toimâpoojij táárbui miel oovtâstpargoost arâšoddâdem haldâttuvváin. Pargo hoittám iähtun lii šiev njálmálâš já kirjálâš suomâ- já sâmi kielâ táidu sehe jieijâs auto kevttimmáhdulâšvuotâ já vyeijimkorttâ. Kielâtááidu kalga čäittid jo-uv uápputuodâštussáin tâi eres lyetitteijee čielgiittâssáin.

Sierânâsmáttáátteijee västid torjuu tarbâšejee párnái sierânâspedagogiik vuávámist, oláštumist, árvuštálmist já oovdedmist oovtâstpargoost arâšoddâdem sierânâsmáttáátteijeuin já joetteijeuin. Pargoid kulá maangâ syergi oovtâstpargo, siämmáa-áigásâš máttááttâs já sierânâsmáttááttâs. Arâšoddâdem sierânâsmáttáátteijee tuáimá arâsierânâššoddâdem äššitobden já šoddâdemtiijmij toorjân aašijn, moh lohtâseh párnái šoddâmân, ovdánmân já oppâmân. Sierânâsmáttáátteijee pargoost mij anneep áárvust ovdedeijee já čuávdim tiädutteijee pargovyevi já šiev vuáruvaikkuttâstááiduid. Pargohárjánem sierânâsmáttáátteijee pargoin já engâlâskielâ táidu annoo hiättun. Mij faallâp tunjin pargo vátávâšvuodâ miäldásii kištottállámnávâlii päälhi lasseen maangâpiälálii pargo pargosiárvusist, mast lii máhdulâš ovdediđ máttim já mast láá Aanaar kieldâ pargoviehâhiäduh.

Tohálâšvuotâiähtun arâšoddâdem sierânâsmáttáátteijee paargon lii arâšoddâdemlaavâ (540/2018) miäldásâš tohálâšvuotâ: arâšoddâdem máttáátteijee tohálâšvuotâ, mon lasseen lii čodâldittum sierânâsmáttáátteijee pargoid kiärgusvuodâid adeleijee uápuh, main asâttuvvoo staatârädi asâttâssáin; tâi šoddâdemtiettuu maister válđuamnâsin sierânâspedagogiik (arâšoddâdem sierânâsmáttáátteijee škovlim). Pargoäigi lii koskâmiärlávt 38 t 15 min/okko. Pargo taantovvááš tääsipälkki lii 3389,85–3441,10 eurod/mp. Toos lasseen máksojeh Aanaarlase 3%, hárijánemlaseh, kieldâ meridem sâmi kielâ lase já máhduliih eres laseh sehe Kvpis miäldásiih hiäduh. Pargo álgá 3.8.2026 tâi sopâmuš miel.

Ucâmušah meriáigásii tooimân toimâttuvvojeh [www.kuntarekry.fi](http://www.kuntarekry.fi) -sijđoi peht. Jis ij lah máhdulâš toohâđ šledgâlii ucâmuš, te ucâmuš toimâttuvvoo meriääigi räi čujottâsân: Inarin kunta, varhaiskasvatus, Piiskuntie 2, 99800 Ivalo.

Uuccâmääigi maņa tuálojeh pargosahhiittálmeh, kuus mij vuolgáttep povdiittásáid sierâ.  
Tohálášvuodâ čäittee tuodâštusah sehe CV tâi ánsuluvâttállám já eres tuodâštusah  
toimâttuvvojeh táttum miel.

## **Ohtâvuotâtiäđuh**

Arâšoddâdemhovdâ Pirkko Saarela puh. 040 7441259

šledgâpostâčujottâs: ovdânommâ.suhânommâ@inari.fi